LETTRE ESCRITE A MONSIEVR MOREAV, Docteur en Medecine de la Faculté de Paris, Conseiller, Medecin , Lecteur & Professeur ordinaire du Roy , par G. Lamy, Maistre aux Arts en l'Université de Paris; Contre les pretenduës vtilités de la trans fusion du Sang pour la guerison des maladies, auec la réponse aux taisons & Experiences de

ONSIEVR,

Monsieur Denys.

La facilité auec laquelle vous auez toussours écouté mes sentimens en diuerses rencontres, m'oblige de croire que mes raisonnemens ne vous déplaisent pas, & quoy que le temps n'ait pas encore pû les faire bien meurir, ie ne me suis pourtant point apperceu iusques icy qu'ils vous ayent apporté de degoust. C'est ce qui fait que ie satisfe. ray librement au desir que vous m'auez témoigné de sçauoir mes opinions sur la transfusion du Sang, & de vous dire ce que ie puis opposer à la Lettre que Monsieur Denys, fort habile Philosophe Cartesien a écrite sur cette matiere. Mais comme les grandes occupations que vous donne vostre merite dans vostre profession, vous ostent le loisir de les entendre de ma bouche, ie les écriray dans cette Lettre, afin que vous les puissiez lireen quelques momens perdus. La crainte de troubler le peu de repos que vostre employ vous laisse, me destourneroit de ce dessein, si vous ne me l'auiez inspiré vous-mesme, & si ie ne sçauois que mes imaginations vous estans agreables, vous trouuerez dans cette Lettre quelque occasion de vous diuertir.

l'auouë que la transfusion du Sang seroit vne inuention fort auantageuse, si l'on en pouvoit tirer des commodités aussi grandes qu'on se l'imagine, & nostre siecle seroit bien-heureux d'auoir trouué vn moyen fifacile & fi prompt pour nous deliurer de ces fascheux maux qui troublent nostre repos, & qui nous empeschent de gouster les douceurs de la vie. Mais ie crains bien pour nostre mal heur, que lors

qu'auec de bons yeux on aura regardé de plus prés les biens que peut apporter cette nouueauté, on ne reconnoisse que c'est fort peu de chose, & que si l'on met en pratique la transsussion du Sang, on ne découure par apres que c'est plustost vne nouuelle saçon de tourmenter les malades que de les secourir.

Pour fondement de tout ce que le proposeray ensuite, il saut remarquer que lors que l'on sait passer le Sang d'un animal dans un homme, il s'en messe vne tres petite quantité auec celuy de l'homme, lors qu'il se dégorge dans le cœur, qui est vn lieu où il doit faire son principal effet: car supposé qu'on le fasse entrer par la veine iugulaire, dés qu'il sera descendu dans le tronc de la veine caue superieure, il se trouuera messé auec tout le Sang qui est rapporté de la teste par les veines iugulaires & ceruicales, des bras, par les veines qui se rencontrent dans ces mesmes patries; ou pour le dire en vn mot, il sera messé auec tout le Sang qui est rapporté de la moitié du corps; à sçauoir de toutes les parties, tant internes qu'externes, qui sont depuis le diaphragme exclusiuement, iusques à la teste inclusiuement; parce que toutes les veines de ces parties se déchargent dans le tronc superieur de la veine caue. Considerez donc un peu la grosseur de la veine iugulaire qui apporte ce Sang estranger, & la grosseur & la multitude des autres veines qui rapportent le sang propre de l'homme, qui toutes se déchargent dans vn canal commun auant que d'entrer dans le cœur, & vous iugerez sans crainte de vous tromper, qu'il y a dans ce canal vne tres-petite quantité de Sang estranger aucc vne tres-grande de celuy de l'homme: & si vous faites reslexion que lors que le tronc superieur verse le Sang dans le ventricule droit du cœur, l'inferieur qui le rapporte pareillement de l'autre moitié du corps, & qui n'a aucune goutte du Sang estranger, en iette vne pareille quantité dans le mesme lieu, vous n'aurez point de peine à croire que le Sang estranger qui entre dans le cœur comparé auec celuy de l'homme, n'est pas en vne quantité qui soit considerable.

Ie preuoy que l'onpentrépondre qu'il ne faut pas seulement regarder à la grosseur de la veine par laquelle l'on insinuë ce Sang estranger, pour iuger en quelle quantité il se trouue dans le gros canal de la veine caue; mais qu'il faut considerer qu'il coule aucc beaucoup plus de viresse, entrant presque immediatement d'une moyenne artere dans la veine, ce que le croy vray-semblable: mais toute cette vitesse, si nous en iugeons sans preoccupation, nous obligera peut estre d'accorder qu'il passe autant de Sang par cette seule veine, qu'il en coule par deux autres de semblable grosseur : ce qui n'empeschera pas que le ne me serue de cet argument auec tout l'auantage

que ie puis desirer.

Supposé donc, comme ie croy l'auoir vray-semblablement demonstré, qu'vnetres-petite quantité du Sang transmis se rencontre
dans le cœur auec vnetres-grande quantité du Sang propre de l'homme; voyons s'il est possible que eette nouuelle inuention nous deliure
des maladies & nous éloigne de la mort. Si i'auois dessein de faire vn
Liure, ie prendrois chaque maladie en particulier, dont i'examinerois la nature & les causes, pour monstrer ensuite assez facilement
que la transsussion du Sang seroit vn moyen inutile pour sa guerifon, mais comme ie veux seulement vous donner vne Lettre, ie parleray generalement sans descendre dans le particulier, sinon pour
examiner quesques maladies que Monsieur Denys a rapportées dans
se Lettre, ausquelles il coniecture que la transsussion pourroit seruir
de remede.

Toutes les maladies dont la cause est interne, procedent generalement, ou de l'abondance du Sang, ou de son impureté; pour les premieres chacun, à ce qu'il me semble, tombera d'accord qu'il seroit ridicule de proposer la transsfusion du Sang pour les guerir, puis qu'il suffit d'oster ce qui est de trop, ce qui s'accomplit heureusement par la seignée, & que la transsfusion augmenteroit de beaucoup

le mal en augmentant la cause.

Sous les maladies qui naissent de l'impureté du Sang, ie comprens celles qui prouiennent, & de son intemperie & de quelque particuliere malignité. Les premieres tirent leur origine pour la pluspart, d'vne excessive chaleur qui s'y rencontre, laquelle ne peut pas estre esteinte par le Sang qu'on fera passerd vn animal sain dans vn malade, parce qu'on le tirera de l'artere ou de la veine: si on le tire de l'artere, bien loin de rastraischir le Sang auquel il se messe, ie pretens qu'il le doit échausser dauantage, d'autant que le Sang qui passe immediatement d'vne moyenne artere dans vne moyenne veine, est beaucoup plus chaud que celuy qui aura passé par les arteres & veines capillaires: car c'est dans ces détroits que perdant la vitesse des nouvement, il perd aussi sa chaleur à proportion: ce que les Experiences de Monsseur Denys consirment assez, puis que les deux hommes ausquels il a donné du Sang ont senty vne extraordinaire

chaleur dans les parries où il passoit ; effet qui nous montre trescertainement que le Sang estranger, qui se faisoit ressentir par sa chaleur, estoit beaucoup plus échaussé que le Sang propre de ces hommes, qui ne leur donnoit pas vn pareil sentiment. Que si l'on fait passer le Sang de la veine de l'animal dans la veine de l'homme, ie dis ou qu'il se coagulera, ou que s'il continuë son chemin sans se coaguler, il sera à peu prés aussi chaud que celuy de l'homme mesme, & ainstil ne pourra pas le rafraischir : mais donnons qu'il soit yn peu moins chaud. Est il vray semblable qu'vne si petite portion de Sang pour auoir vn peu moins de chaleur, en puisse rafraischir vne tresgrande quantité d'autre aucc lequel il se troune messé dans le cœur, & diminuer aussi la chaleur du cœur messine qui en est le foyer, & qui a besoin du plus grand rafraischissement : ce qui seroit pourtant necessaire, afin d'obtenir de la transsusion les vtilités qu'on en pretend. N'y a-il pas bien plus d'apparence que cette grande quantité de Sang propre iointe auec l'excessiue chaleur qui se rencontre dans le cœur, échauffera ce Sang estranger en pareil degré? Et mesmes ne le faut-il pas conclure necessairement, puisque ce Sang nouvellement receu est capable de receuoir vne aussi grande chaleur que le Sang propre de l'homme, & que le cœur par lequel il passe, a assez de force pour la luy communiquer.

L'on peut recucillir de la Lettre de Monsieur Denys quelques

L'on peut recueillir de la Lettre de Monsieur Denys quelques raisons pour opposer à ce que i auance; Sçauoir que le Sang ne pourroitiamais estre rafraischy, ny par les viandes, ny par les reeuuages dont on se serv ordinairement en Medecine pour ce suiet: d'autant que le chile qui se sains il semble que l'on pourroit conclure la mesme chose du chile que i'ay concluë du Sang transsmis: & mesme Monsieur Denys semble donner beaucoup d'auantages au Sang estranger par dessus le chile de l'homme, pour corriger l'intemperie de son Sang, qu'il sonde sur ce qu'il y a beaucoup de chemin à faire auparauant que le chile puisse arriver au cœur, & ainsi il se peut facilement corrompre; ce qui ne peut arriver au Sang que l'on donne, qui

louable comme il est, descend dans le cœur.

Si le chile estoit aussi propre à estre échaussée comme le Sang; ces raisons pourroient combattre les miennes, mais ie pretens saire voir qu'il y a vne tres-grande différence entre l'vn & l'autre. Pour la conceuoir, il saut remarquer vne chose dont Monsieur Denys semble

demeurer d'accord dans sa Lettre, sçauoir que le chile ne se conuertit en Sang qu'en passant plusieurs fois dans le cœur par differentes circulations, par lesquelles peu à peu il se cuit & se perfectionne; ce qui est vne marque assurée que le chile est beaucoup plus froid que ne peut iamais estre le Sang, puis qu'il passe plusieurs fois dans le cœur auant que d'acquerir le degré de chaleur que possede le Sang, & d'en receuoir la nature. Il sera donc facile à conceuoir comment à l'aide des alimens l'on peut rafraischir & le Sang & le cœur; si l'on considere que dans les maladies qui procedent d'vn excés de chaleur, on se sert pour l'éteindre de beaucoup de breuuages que l'on fait fort souvent aualler, qui à cause de leur liquidité s'arrestans fort peu dans le ventricule, & y perdant la crudité qui pourroit estre nuisible au malade, coulent inceffamment vers le cœur, & comme ils sont composés d'herbes rafraischissantes, il faut beaucoup plus de circulations & de retours par le cœur, pour les conuertir en Sang, que les alimens ordinaires: & ainsi c'est vne douce pluye qui tombant continuellement l'espace de plusieurs iours, esteint enfin la chaleur immoderée, & nous fait retrouuer la santé que nous auions perduë. I'auouë que le chile se peut corrompre en chemin, & ie me persuade assez facilement que cela empesche que le succés de ces remedes ne soit aussi. heureux comme il pourroit estre ; mais ie ne voy pas aussi que la transfusion du Sang nous deliure de ces incommodités, puis qu'elle ne peut aucunement rafraischir, & que le chile tel qu'il soit, diminuëra tousiours quelque peu la chaleur.

Mais la transfusion du Sang aura peut-estre un meilleur effet dans les maladies froides, & seruira beaucoup aux vieillards pour arrester le cours de leurs destinées, & les deffendre de la mort? En verité, i'ay bien de la peine à me le persuader. En premier lieu, ie ne croy point qu'il y ait de maladies froides, ou pour le moins elles sont tres rares, c'est pourquoy ie n'en parle point. Pour les vieillards la transfusion leur sera inutile, car ce nouueau Sang ne pourra iamais restablir leurs parties vsées : & mesmes peut-estre elle precipiteroit leur mort en leur apportant quelque grande maladie, qui peut naître de ce que le Sang d'vn ieune animal se trouuant peu conforme au temperament du vieillard, l'incommoderoit sans doute au lieu de le

foulager.

Il ne faut non plus esperer de secours de la transfusion pour les maladies qui procedent de quelque particuliere malignité ou corruption

du Sang. Car comment se persuader qu'vne petite portion de Sang louable, telle que i'ay montré entrer dans le cœur, puisse corriger vne grande quantité de Sang auec laquelle il se trouve messé, qui est entierement gastée & corrompue ? Depuis quand a-on veu ces miracles dans la nature, se feront ils de nouveau pour authoriser la transfusion ? Ne remarque-on pas plustost ordinairement qu'vn peu d'vne liqueur gastée sera capable d'en corrompre vne bonne quantité d'autre de semblable nature ? Monsieur Denys ne veut pas qu'onse serue en cette occasion de la comparaison du bon vin auec le vinaigre, & qu'on affure que comme quelque peu de vin ietté dans yn muy de vin aigre ne peut pas le faire deuenir bon, mais plustost que le bon deuient aigre : aussi le bon Sang se gastera plustost parmy le corrompu que de le corriger; d'autant que, comme il affure, l'aigre est le dernier degré par où passe le vin pour se détruire entierement, & si le Sang arriuoità vn semblable degré de corruption, il seroit impossi. ble de fen retirer : ce que ie luy veux bien accorder, parce qu'vne chose entierement corrompue ne peut pas redeuenir immediatement la mesme. Mais voyons les autres comparaisons tirées du vin dont il se sert pour appuyer ses sentimens, & taschons de nous en seruir pour confirmer les nostres auec vn peu plus de iustesse.

Comme le vintrop dur, dit il, se peut adoucir; le trouble se peut clarisser; le soible peut deuenir plus vigoureux; le gras se peut degraisser; en vn mot celay qui est gassé peut estre corrigé par le mélange de certaines liqueurs qui sont connuës à ceux qui en ont les secrets, & qui les pratiquent tous les iours: Disons de mesme, qui un Sang trop grosser se pourroit adoucir & deuenir plus subtil, un trop subtil se pourroit serve se sepaisser, un trop chand se pourroit temperer, un trop froid se pourroit eschausser: le suis d'accord auccluy iusqu'icy; & tout cela, adjoûte-il, par le moyen de certains. Sangs, dont les qualitez particulieres seront parfaitement connuës par les Medecins qui les ordonneront: C'est ce que ie nie sort hardiment. Car le vin trop dur ne s'adoucist pas par un peu de vin doux, le trouble ne se clarisse pas par le clair, le soible ne deuient pas vigoureux par vn peu de vin fort, le gras ne perd pas cette qualité par le mélange de celuy qui luy est opposé; en vn mot celuy qui est gassé ne se certaines liqueurs. Disons de mesme, vn Sang grossier ne se subtilitéra pas par vn peu de subtil; vn trop subtil ne se sure pas par vn plus espais, vn trop chaud ne sera point temperé par vn froid

qui ne se peut pas rencontrer, & vn froid ne se doit point eschaufde ceux qui les pratiquent tous les iours, à sçauoir les bons Medecins, qui par le moyen des medicamens alteratifs & purgatifs, redonnent au Sang vne temperature louable, & en chassent l'impureté.

Examinons maintenant quelques maladies particulieres, que Monsieur Denys rapporte dans sa Lettre, & qu'il conjecture se pouuoir guerir par la transfusion du Sang, la pluspart desquelles ne peuuent receuoir de secours des remedes ordinaires. Il la propose premierement pour les pleuresies, qui sont communement produites par le Sang qui bouillant dans les vaisseaux, & estant trop échauffé, s'épanche sur la pleure ou dans les muscles intercostaux, où il se fait apres vne inflammation qui se fomente par l'abondance du Sang & par sa chaleur ; lesquelles causes ne se peuvent détruire par la transfusion, comme l'on peut fort bien conclure de ce que i'ay dit cy-deuant, mais plûtost par la seignée & les breuuages rafraischissans que l'on ordonne en semblable occasion. Pour le Sang extrauasé, il doit ou suppurer, ou se dissiper, soit par la transpiration, ou par quelque autre maniere ; d'où il est manifeste que l'on tentera en vain de guerir par la transfusion les pleuresies.

Ce seroit aussi se donner une peine inutile, & tourmenter les malades sans raison, que de se seruir de la transsusion dans les veroles & lepres, puisque ce sont des maladies contagieuses qui se communiquent fort facilement, & qui procedent de la corruption vniuerselle de la masse du Sang. Car comment conceuoir que le Sang estranger que l'on fera passer dans le corps de l'homme assligé de quelqu'vne de ces maladies, ne se gaste pas par le mélange du Sang propre de l'homme, puisque nous voyons que la masse toute entiere du Sang d'yn homme qui se porte bien, se peut infecter & corrompre par le mélange de quelques vapeurs, qui sortent par transpiration du Sang gasté d'yn homme malade de verole ou de lepre, n'est-ce pas vue marque asseurée que les ferments de ces maladies sont fort puissants, & qu'vne bien perite quantité de ce Sang corrompu est capable de gafter toute vne masse de Sang pur & louable.

Les eresipeles, viceres & cancers, ne se peuvent aussi, ce me semble, guerir par la transfusion; dautant que ces maladies ne naissent pas à mon aduis de la masse du Sang qui soit vniuersellement corrom-

pue, autrement il faudroit qu'elles se rencontrassent en toutes les parties du corps; mais seulement de quelque mauuais leuain qui se parties du corps, that tentent de quesque maudais leutin qui se rencontre dans les parties affligées de ces maux, & qui corromp tout le Sang qui s'y décharge; Ce qui estant supposé, il est euident que la transsusson seroit inutile, puisque le Sang, tant loüable qu'il pût estre, se corromproit tousiours en arriuant à la partie gastée.

estre, se corromproittous en arriuant a la partie gaitee.

Ie ne croy pas non plus que le Cheualier de Saint Hubert perde beaucoup de ses luminaires & de ses offrandes par cette nouvelle inuention, ny que les enragez, qui iusques icy n'ont pû trouuer de secours parmy tous les remedes de la Medecine, doiuent maintenant esperer d'estre beaucoup soulagez. Pour reconnoistre la verité de ce que ie dis, il faut seulement considerer combien le ferment de la rage est puissant, & qu'encore qu'il agiste quelques ois lentement, il agist neantmoins en tres petite quantité; puis qu'vne bien petite particula de salue qui sera passé dans le Sang, lors qu'on a esté mordu. ticule de saliue qui sera passée dans le Sang, lors qu'on a esté mordu d'vn chiene erragé, est capable d'en sermenter toute la masse, & de l'empoisonner en telle sorte, qu'il soit l'ouurier de ces estroyables essets que nous remarquons dans les enragez? Quel moyen pourra on donc trouuer pour donner de nouueau Sang qui ne se corrompe point, par le mélange qu'il aura necessairement auec celuy de cer informné malade

Si la folie, qui est le dernier mal auquel Monsieur Denys pretend accommoder la transfusion, pouvoit recevoir quelque secours de ce remede, & que tous les malades en voulussent guerir, les Chirurgiens seroient sans doute bien occupez; quand chacun d'eux auroit autant de mains que Briarée, ie ne croy pas qu'ils pussent sairs saire, ny que tous les animaux qui sont sur la terre pussent leur fournir assez de Sang: Ien'en parleray donc point, ne pouuant en raconter icy tou-tes les especes; ie vous diray seulement, Monsieur, que si ma folie ne guerit iamais que par la transfusion, il y a bien de l'apparence

que ie ne seray iamais sage.

que le ne ieray jamais lage.

Peut-estre Monsieur, que vous me blâmerez de raisonner contre
l'Experience, & que vous m'accuserez d'opiniâtreté, voyant que ie
nie les villitez de la transfusion qui se sont dessa fait paroistre. Quoy,
vn ieune homme de quinze ans recouurer par le moyen de la transsusson, la memoire qu'il auoit perduë en suite d'vne violente sièvre, reuoir son esprit deliuré de la pesanteur dont il estoit accablé, son corps
reprendre sa premiere agilité, se voir exempt d'vn sommeil impor-

tun qui le contraignoit de dormir dans les occasions où l'on doit estre le plus éneillé; enfin se trouner soulagé d'vne douleur de costé causée par vne cheute du iour precedent : ne sont ce pas des miracles assez grands pour vaincre mon incredulité, & faire mettre la transfusion non seulement au nombre des remedes, mais l'esleuer mesmes par dessus les plus salutaires, qui insques icy ont esté inuentés dans la Medecine? Pardonnez-moy, Monsieur, si ie ne me rends pas à la veuë de tant de choses surprenantes, vous sçauez bien que ce n'est pas ma coustume de croire les miracles sans les examiner bien seuerement. La probité de Monsseur Denys m'empesche de douter de la verité du fait, & ainsi ie croy que ces effets ont suiuy la transfusion; mais ie ne me puis persuader qu'ils en procedent; la raison est, que neuf onces de Sang d'Agneau exactement meslées auec tout celuy qui restoit dans le corps de ce ieune homme, ne peuuent pas, à mon aduis, auoir produit tant de merueilles; autrement il faudroit que ce Sang eust contenu vne grande quantité d'esprits pour les répandre si promptement par tout le corps, & qu'il eust esté bien subtil pour pouvoir en si petite quantité subtiliser tout le reste du Sang de ce ieune homme que l'on nous dit auoir esté si épais; il falloit pour se mieux affurer de l'Experience luy en tirer quelque temps apres la transfusion, & le comparer auec celuy qu'on luy auoit tiré auparauant. Ie me persuade, Monsieur, que vous attendez de moy l'explication de ces effets, & que vous voulez que ie die à quelle cause ie les attribuë.

La fiévre bouleuerse ordinairement toutes les humeurs qui se rencontrent dans nostre corps, ce qui fait que les esprits se trouuent assez souvent enseuelis & embarasses dans la masse de ces humeurs, d'où ils ne se peuvent pas aisément degager; c'est d'où procedent, à mon aduis, ces lethargies que nous remarquons dans les fiévres; car de croire que ces affoupissemens qui se rencontrent dés les premiers iours de la fiévre naissent de la dissipation des esprits; il n'y a point d'apparence, ne se pouuant faire qu'ils se perdent & consument si promptement. Ils se conseruent donc, mais comme vn feu caché sous la cendre que l'on ne voit point reluire, & qui ne se fait point ressentir iusqu'à ce qu'on le reueille & qu'on l'excite, ce qui se fair ordinairement par les purgatifs qu'on a de coustume d'ordonner sur la fin des fiévres, lesquels seruent comme de mains à déuelopper les esprits, & les mettre hors de prison. Cela estant vray-semblablement supposé, ie dis que ce ieune homme estoit dans vn engourdissement & d'esprit & de corps, non par le deffaut d'esprits; mais seulement

parce qu'estans embarassés comme i'ay dit, ils ne pouvoient pas se distribuer librement dans les organes des sens, & lors que l'on luv donna le Sang de cet Agneau, la viue apprehension qu'il eut d'vn remede non vsité, & dont l'euenement ne luy pouvoir paroistre que fort douteux, mit ses esprits en mouvement, & les dégagea des embarras qui les empeschoient de se distribuer, duquel dégagement d'esprits sont prouenus en suite tous les auantages que l'on attribue à la transfusion, excepté peut-estre la douleur de costé, qui se diminua plustost par le temps & le Sang qu'on luy fit tiret, que par celuy qu'on luy donna. Ie ne m'arreste point à expliquer icy comment il se peut faire que la crainte de quelque mal mette nos esprits en mouuement, car c'est une question trop delicate pour estre decidée en peu de mots: le veux seulement prouuer que cela se fait; ie pourrois apporter mille Experiences, mais vne seule suffira qui est connuë de tout le monde; il n'y a point d'homme de quelque condition qu'il soit, qui n'ait eu quelquefois vne affaire d'importance à son égard, dont l'euenement luy ait esté douteux; qu'vn chacun tasche de se ressouvenir du temps, & il reconnoistra que pour lors l'inquietude qu'il auoit pour la reuffite de son affaire, & la crainte d'un fascheux succés bannissoient le sommeil de ses yeux, & le contraignoient à veiller, ce qui ne se peut faire sans que les esprits soient mis en vn extraordinaire mounement, qui ne peut estre arresté par les causes qui produisent en nous le sommeil.

Il n'est pas necessaire de rien répondre à la seconde Experience contenue dans la Lettre de Monsieur Denys, puis qu'ellene nous montre aucun esse au la transfusion, mais seulement qu'elle peut estre faire dans vu homme robuste, sans qu'il en ressent pour lors aucune incommodité, ce que l'accorde assez facilement. Il saus seulement pour acheuer mon dessein & sinir cette Lettre, faire voir que la transssusion pourroit auoir de faschenses sinites, & qu'ellecauseroit plusieurs majadies insques icy inconnues, dont les symptomes estonneroient les Medecins pour n'auoir point encore este remarqués.

Lors que l'on veut mettre en pratique quelque nouneau remede, il faut marcher à pas de plomb, & prendre bien garde que le medicament dont on se sert guerir vne maladie, ne sournisse pas des semences qui en produiront vn iour de bien plus dangereuses. C'est ce qui sait que les prudens Medecins n'employent pas sourent le vin emetique, quoy qu'on en voye d'assez bons esses, parce que ce re-

mede violent laisse apres soy de fascheux restes, sur tout si l'on en prend plusieurs sois dans une mesme maladie; car il brûle tellement les entrailles, qu'il sait ressentir à ceux qui l'ont pris des chaleurs insupportables, & le ventricule en reçoit une signande soiblesse, qu'il ne peut presque iamais recouurer sa première sorce. Or non seulement la transsusion ne me semble pas pouvoir guerir de maladies considerables, mais mesmes elle en peut faire vaistre beaucoup de nouvelles, qui seront d'autant plus dangereuses qu'elles seront inconnuës.

La premiere raison qui me fait coniecturer que la transsusion du Sang donnera naissance à des accidens fascheux & funestes à ceux qui seront assez credules pour la souffrir, se tire de ce que le Sang est vn aliment qui se doit immediatement convertit en nostre substance, & qu'il est impossible que le Sang estranger qu'on aura fait entrer dans les veines de l'homme, se puisse convertir de la sorte, ny le nourrir? car comme il ne se peut faire qu'vn animal s'engendre de la semence d'vn autre de differente espece, encore bien que l'on puisse trouver des animaux differents, dont les femences seront semblables en couleur & en consistence; aussi n'y a-il point d'apparence qu'vn animal puisse estre nourry par le Sang d'vn autre de diuerse nature, quoy que leurs Sangs paruffent exterieurement femblables à nos fens, & que ny la couleur, ny la consistence ne nous y pussent faire reconnoî» tre aucune diuersité. Pour conceuoir la force de cette comparaison qui me semble tout à fait convaincante, il faut considerer que la generation est la premiere formation du vinant, & que la nourriture est vn moyen nécessaire pour reparer la perte qui se fait incessamment des particules dont il a esté premierement formé : d'où il s'enfuit éuidemment que la matiere dont le viuant s'engendre, est entierement femblable à celle dont il se nourrit; donc par une consequence necessaire, puisque la semence d'vn animal ne peut pas seruir à former vn homme, ce qui se rencontre dans le Sang entierement semblable à cette semence, ne pourra point seruir à le nourrir.

Pour donner encore vn peu plus de jour à cette matiere, qui est de foy fort obscure, il saut saire vne legère restexion sur la maniere dont le Sang nourrit les animaux, & considerer qu'il contient actuellement des partieules fort differentes, dont les vnes sont propres à former ou nourrir les os, les autres les nerss, les autres les veines, & ainsi du reste, les quelles se trouuant en abondance dans le Sang, se criblent dans les testicules & font la semence, qui n'est autre chose

qu'yn amas de ces particules différentes, dont les diuerses parties de nostre corps se nourrissent & se conseruent. Or il faut remarquer que les particules qui peuuent nourrir la chair d'vn Veau ne sont pas semblables à celles qui nourrissent la chair d'vn homme; autrement il faudroit que ces chairs eussent la couleur, le goust, & les autres qualitez parfaitement semblables, puisque selon les principes de la Philosophie ancienne, que Descartes & Gassendi ont remise au iour dans nostre siecle, & qui est bien plus vray-semblable & mieux establie que celle qu'on suit dans les Escoles. Les qualitez ne sont point des estres differens de la substance à laquelle on les attribue, & toutes celles que l'on nomme sensibles ne se rencontrent point dans les? choses, mais sont plustost des sensations produites en nous par les corps ausquels on dit qu'elles conuiennent : de sorte que la couleur n'est autre chose qu'vn mouuement causé dans les nerfs optiques par les atomes de lumiere qui ont esté reflechis vers nos yeux, par la furface des corps que nous appellons colorés, & les saueurs ne sont que des ébranlemens des nerfs de la langue qui sont semblables, lors qu'ils sont excitez par des particules qui se ressemblent en figure, & differens par la diuersité des figures de ces petits corps qui les produisent. Ce qui estant conceu, l'on n'aura pas de peine à juger que les. corps qui produisent en nous differentes saueurs, sont composés de corpuscules dont la figure est différente : & ainsi la chair de Veau est composée & entretenue de particules, dont la figure n'est pas semblable à celles qui composent & nourrissent la chair de l'homme, d'où il faut inferer que le Sang de Veau qui peut nourrir sa chair, n'aura point de corpuscules propresà nourrir la nostre. Ce que i'ay dit de la chair, il le faut dire de toutes les autres parties à proportion, & conclure qu'vn Sang estranger ne pouuant nourrir l'homme, il se corrompra dans ses vaisseaux, & sera la source de plusieurs maladies is fully in the internal and the design of the section is followed

Adjoûtons à cecy qu'il se trouue dans les animaux certaines parties qui ne se rencontrent pas dans les hommes; comme les plumes dans les oiseaux; la laine dans les moutons, le poil dans les bœufs, & dans plusieurs especes; sçauoir, moutons, bœufs, chevres, cerfs, & autres, vne paire de cornes: & ainsi il faut necessairement qu'il y ait dans leur Sang des particules propres à former toutes ces parties qui ne se rencontrent point dans le sang de l'homme; & par consequent quand les autres corpuscules du sang de l'animal pourroient seruir à nourrir l'homme, ceux-cy toutes ois luy seroient nuissibles, &

se corromproient, ou pour le moins produiroient en nous de semblables parties. Dieux ! n'est-ce point assez de s'exposer en se mariant à porter vn bois inuisible sans courre le hazard d'Asteon, & n'auoir pas comme luy le bon-heur de voir la beauté de Diane toute nuë.

Ou'on ne m'objecte pas que l'homme se peut aussi bien nourrir du Sang d'yn animal que l'on fait passer dans ses veines, comme il se nourrit de sa chair ; car il est euident qu'elle souffre beaucoup de changemens auant que d'y estre propre; ce qui ne peut pas arriuer au Sang que l'on fait immediatement couler dans les veines de l'homme, & qu'on ne réponde pas que tous ces changemens ne seruent qu'à la faire deuenir Sang, & qu'ainsi il est bien plus court de prendre du Sang desia tout fait : Car i'auouë bien qu'ils ne seruent qu'à la conuertir en Sang, mais en Sang propre à nourrir l'homme, & qui contient en soy des particules d'vne figure conuenable pour s'ajuster aux parties qu'elles doiuent nourrir. Or le Sang de cet animal, comme i'ay montré cy-deuant, n'a pas ces mesmes auantages. Ou'on ne me produise point aussi l'experience de ce chien qui a receu le Sang d'vn veau, & qui n'en a point parû incommodé, dautant qu'il se peut bien faire qu'il l'ait esté sans qu'on s'en soit apperceu, puis qu'il ne le peut pas dire, ou bien qu'il n'y ait pas encore affez de temps pour que ce Sang estranger se soit corrompu dans ses veines.

La seconde raison qui me sait preuoir de fascheuses suittes de la transsussion, est que si elle vient une sois à s'introduire, les Medecins emploiront selon leur caprice les Sangs de differens animaux, qui messes ensemble dans un mesme corps, produiront de tres-méchans effets. Car il saut remarquer que tous les differens Sangs, aussi bien que les differens vins, & les autres liqueurs capables de fermentation, se fermentent à un certain temps de l'année, les uns plûtost, & les autres plus tard; ce que l'on peut remarquer, en ce que diuers animaux entrent en rut en disserentes saisons, ce qui n'arriue que par la fermentation du Sang & de la semence. Or, que peut on preiuger raisonnablement de cette diuersité, sinon qu'il faudra que l'homme tombe malade, lors qu'une portion du Sang qu'il a dans ses veines sera preste à se fermenter, & que l'autre ne le sera pas.

La troisséme raison se tire, de ce que les animaux, dont on se peut seruir, ne viuent pas si long-temps que l'homme; & ainsi comme la longueur de la vie dépend infailliblement de la bonté du Sang, il faut conclure que leur Sang n'est pas si bon que le nostre, dautant que les principes, dont il est composé, se desvuissent plus facilement, laquelle desvinion est necessairement suiuie d'une prompte mort: & partant ceux à qui les douceurs de la vieinspirent le soin de la conseruer long-temps, doiuent éuiter la transfusion, ou pour le moins chercher quelque animal qui soit de longue vie.

La quatrième, est la difficulté qu'il y, a de découurir la complexion & le temperament des animaux, desquels l'on voudroit tirer le Sang, qui ne se pourra pas aisément surmonter; veu que depuis tant de siecles que les Medecins s'occupent à rechercher des signes pour reconnoistre celuy des hommes, sur lesquels ils trauaillent tous les iours, ils n'ont pas encore beaucoup auancé. Quelle apparence y a-il donc de faire vn progrés considerable dans la connoissance des animaux, puis qu'on n'a pas encore commencé de s'y appliquer, & qu'ils ne peuuent nous enseigner les maux qu'ils restentent, ny nous donner par leur langage des marques de leurs foiblesses. Ne seroite e pas marcher parmy les tenebres, & exposer au hazard la vie des malades, que de leur communiquer du Sang d'yn animal, dont nous

ne connoissons pas la temperature.

Enfin il faut prendre garde de blesser l'esprit en voulant guerir les maladies du corps, & ne pas employer vn remede qui en peut émousser la pointe, & luy donner des inclinations brutales, & peuconformes à sa nature. Or, ie pretends que la transfusion peut produire tous ces maux, & abrutir tellement l'esprit d'un homme, qu'il ne soit plus connoissable, & qu'il ne conserue que la figure de ce qu'il estoit auparauant. Car les inclinations suiuent ordinairement la constitution de nostre Sang, & les inégalitez qui se rencontrent entre les esprits des hommes, ne peuvent provenir que de la diversité de leurs Sangs, qui leur fournissent des esprits plus ou moins propres pour la clarté de la conception, & la facilité de la connoissance. Le ne veux point prouuer cecy, parce que ie le crois incontestable; & ainsi ie conclus seulement qu'vn homme qui auroit receu le Sang d'un animal dans ses veines, deuiendroit lourd & pesant d'esprit, & se dépouilleroit de ses propres inclinations, pour reuestir celles de cette beste ; & partant la transfusion peut faire souffrir à vn homme la peine de Nabucodonosor, sans en auoir iamais commis le peché.

l'anouë que Monsseur Denys pretend que les bestes ne sont pas si sujettes au déreglement des passions comme l'homme, qui a esté malheureusement soumis à ces impetueux mouuemens par la preuarication de nostre premier Pere; si cela est vray, ie prie Messieurs de l'Academie Françoise d'aduertir qu'on n'appelle plus vn homme brutal lors qu'il lasche la bride à ses passions, & qu'il se laisse aueuglement emporter à leurs mouvemens déreglez; car assurément si les bestes sont si moderées, celuy qui le premier a donné ce nom estoit mal-auisé, & fort peu sage.

Voila, Monsieur, les raisons qui m'empeschent de fauoriser la transfusion du Sang, & de parler à son auantage: le voudrois pour l'amour de ceux qui trouuent la vie si agreable, que cette noble inuention les pust rendre immortels, & que la suitte du temps me fist reconnoistre pour vn faux prophete. I'vserois pour lors des priuileges dont le peux louyr par le droit de ma patrie, & me dédirois de mes opinions bien facilement, quand l'experience m'auroit montré le contraire. Vous sçauez que ie ne suis pas de ces fantasques esprits qui n'approuuent point vne opinion, si son antiquité ne la rend venerable, ny de ces euaporés qui n'embrassent vn sentiment, que parce qu'il est nouueau; & ainsi sa nouueauté ne seruira ny à me la faire rejetter, ny à me la faire suiure; mais i'en douteray iusqu'à ce qu'on m'ait prouué ses miracles. Ie croy que Monsieur Denys ne se faschera pas qu'vn ieune homme comme moy publie ses sentimens, quoy qu'ils ne s'accordent pas auec les siens, quand il sçaura que ce n'est point par enuie de le contredire, mais seulement par vn desir de les mettre à l'espreuue d'vn sçauant homme comme luy, & de vous témoigner, en vous les communiquant, que ie suis,

MONSIEVR.

A Paris le 8. Iuillet 1667.

> Vostre affectionné seruiteur, LAMY.

A PARIS, Chez IEAN DELAVNAY, fous la porte de la Classe de la Place de Sorbone, 1667.

Auec Permission.